

sine mota demigrare. In his studiis nobis omnia opera et cara ponenda est. (a). Ardor namque iste, etsi non instruit querentis animum, ingenium saltem exercet; et inventus seire se quod se fortasse nescire putabat; vnde admonitus scit quod antea nesciebat. Dum enim victimum labore et nummis emerem, commodius in divinis Scripturis mea versabatur intentio. Ad diocesos curam acedens, quot causae surgunt, eo amplius sollicitudines pariunt. Brumale tempus vias palatinas terens eundo et rediendo, minus licet implere supra commemoratum amorem. Post medium veris procedendo armatum pergamenam (b) pariter cum armis ferens, pergo ad excubias maritimam, cum timore excubando adversus Agarenos et Mauros; nocte tenens gladium, et die libros et calatum implere conans coepit desiderium. Nisi enim ille vir, cum gratia praecedente, spiritui presideret, quem commendat Apostolus, cum de capite viri non velando loquitur, illud menti mense accideret quod de semine jacto citra viam Dominus protulit. Qui etiam te agere vitam demonstras, quando me sine sollicitudine consideras, et ob hoc molestus es mihi exactor. Nec enim

(a) Hactenus Cicero apud Augustinum. Subsequens autem periodus utrum Ciceronis an Claudii sit eruditissimorum.

(b) Cod., *pergameno*.

(c) Temeraria haec et falsa Claudii sententia constatione non indiget. Et quidem scimus, Claudium

A debes molestus esse mihi, quando ego et, ut voluntas adest, possibilis aderat, deceptor tui non fuisse: si ante has sollicitudines, hoc opus non fuisse aggressus, rogantibus fratribus, et nosci, vix nunc exinde aliquid valuisse agere. Et vere factus me primus invitem accessisse et in hoc opus et in Pentateucham, quod postules, imperantibus fratribus in schola constitutis, quibus viva voce Scripturas tradebam, praecepit pio principe Ludowico imperatore, compulsa etiam a memorata principe ut non tantum verba per oblivionem palantem tradarem, sed etiam calamo diu permanente scriberem, ut quod ore promebam, calamo scriptitarem. De admonitione fratrum et exhortatione unde regasti quod scriberem, ut votum quod reverent Domino reddant; et votum, ut dico, non propositum, quod scripsisti, quod solius Bei est; nullam admonitionem meliorem potui invenire, quam Epistole primae Pauli apostoli, quam misi, quia tota inde agitur ut merita hominum tollat, unde maxime nunc monachi gloriantur (c): et gratiam Dei commendat, per quam omnis qui vovit, quod vovit Domino reddit.

B de culta quoque sacrarum imaginum perperam opinantem a Theudemiro abbe (quem Claudius nunc affloquatur) fuisse refutatum. Ut mittam Arianismi criminationem Claudio impactam, qua ceteroquin critici homines eum absolvunt.

CLAUDII EPISCOPI PRÆFATIO EXPOSITIONIS IN EPISTOLAM AD EPHESIOS, AD LUDOVICUM PIUM IMPERATOREM.

(Mabill., Vet. Analect., p. 91.)

Proprio domino meo inclito atque gloriose, mihi C speciei cultu affectuque præ cunctis mortalibus diligendo, gratia Dei Patri patriz potius quam imperatori, cuius imperii dignitas ex fonte orta est pietatis, sanctae Dei Ecclesiae catholicae filio Ludohico Claudius peccator.

Cum nostris temporibus topescentibus studiis rarus quoque inventiatis quotidiana intentione promptissimum, non solum ad disserendum quæ indiscussa sunt, sed etiam ad legendum quæ jam a majoribus disserta sunt, mirum a me opus tanta ac tam subtilis vestra exigit imperialis potestas, cum Epistolas magistri gentium apostoli Pauli ex tractatibus majorum nostrorum disserere jubet qui nos illuminantes e-Christo in studio hujus operis afflatim, scientia et tempore præcesserunt. Novit namque sacratissima D et mihi semper amantissima serenitas vestra, quæ pili est semper operibus intenta, et sanctis lectiōibus erudita, quam sub imperiali diadematē theoreticam non ambigo peragere vitam; quid de laude earundem epistolarum in Epistola sua secunda

scripsit beatus porro apostolus Petrus, in qua ait: Sicut et charissimus frater noster Paulus secundum datam sibi sapientiam scripsit vobis, sicut et in omnibus Epistolis loquens in eis de his in quibus sunt quædam difficultas intellectu, quæ indocti et instabiles homines depravant, sicut et ceteras scripturas ed. suam ipsorum perditionem. Ecce teste beato Petro ejus coapostolo invenimus quod adhuc in carne viventibus ipsi apostolis, ob difficultatem sensus illarum ab indoctis hominibus, qui eas non recte intellexerunt, diverse hereses emiserunt. Quis ergo ad expositionem illarum digne vel proprie accedere possit, quas tantus ac talis primus in carne Domini confessor et Novi Testamenti Ecclesiae pastor assertit esse difficiles intellectu? Attamen, licet non viribus meis, sed meritis vestris, adjuvante illo qui aperuit os mutorum, et linguas infantium fecit dissipatas: qui est fidelis in verbis suis, et sapient in omnibus operibus suis; qui dicit: Petite, et recipietis; querite et invenietis, pulsate, et aperietur vobis; invigilate pietate ejus, circa sociordiam sensus mei Epi-

stolas beati jam dicti apostoli Pauli ad Ephesios atque ad Philippenses, non tam ex majorum tractatibus, quam ex diversorum tractatum sententiis, veluti mendicus non habens propriam segetem, sed post terga metentium ex aliorum segete congregatis sibi victimum, ne biennis tempore fame periclitetur: ita et ego ex aliorum dictis, has brevi stylo comprehendendi Epistolas. Quam expositionem si aptam ad legendum judicaverit serenitas vestra, ad auctorem referite Christum: quia hoc ipsum, ut praefatus sum, donante Domino vestrum est. Si vero reprehensioni patuerit propter sermonis rusticitatem, remota fallacia quae rectam fidem offendit, hujusmodi homines a nobis non pertimescendos ille admonuit, de quo loquimur, et quem tenemus in manibus, qui regnum Dei non in sermone, sed in virtute esse perdocuit, ac semetipsum verbo potius quam scientia imperium esse scripsit. Funestum atque detestabile Pelagi dogma, qui ingratus divinae gratiae exstitit praedicator per celestis gratiae gratissimum preconem beatissimum Augustinum de hac epistola, quantum potui, funditus abdicavi.

Sed et illorum qui ex hac ad Ephesios Epistola fulciri moliti sunt haeretem suam, ubi ait, *Sicut elegit nos ante mundi constitutionem, animas hominum ante mundi principium fuisse et coeteras Deo creatori senserunt; sive etiam in Epistola ad Philipenses Deum Patrem potiorem Filio crederunt. Hæc omnia, velut mortale præcipitum aut lethale*

A virus, catholicis auribus denuntio fugienda: quorum idcirco reticeo vocabula, ne derogare videar, predecessores potius, quam dicere veritatem.

Epistolam sane Apostoli ad Galatas in qua anno praeterito, in quantum valui, studiosissime laboravi, nihil in ea nuper auxi: sed ita, ut antea a me comprehensa est, huic vero operi juxta ordinem suum in capite sociavi.

De ceteris vero epistolis, licet plurima penes me teneantur excerpta, multa tamen adhuc supersunt perquirenda. Sed quia me anno praesenti, prepeditibus peccatis meis, graviter obligatus, et nimis anxietatibus deditus, mihi vivere non libet, neque Scripturas perscrutari licet. Unde obsecro B clementiam vestram, ut non mihi sitis molestus exactor: quia si me adjuverit pietas divina, ego ad reddendum devotus sum debitor. Omnipotens Dominus, qui est Rex regum et Dominus dominorum, vos dominum meum inimicorum omnium superare insidias facial; concessoque premio sincerrimæ charitatis, ad profectum et ornatum totius Ecclesie, ita vivere concedat, ut finito mortalis vita termino, liberum a peccati conscientia suo sancto astare faciat thoro. *Explicit.*

INCIPIT TRACTATUS.

Ephesii sunt Asiani. Hi accepto verbo veritatis persistierunt in fide, hos collaudat Apostolus scribens eis a Roma de carcere, etc.

CLAUDII EPISCOPI ENARRATIO IN EPISTOLAM D. PAULI AD GALATAS.

(Biblioth. max. Patrum, tom. XIV.)

AUCTORIS

EPISTOLA DEDICATORIA.

Domino piissimo et in Christo summo mihi honore singulariter excolendo Dructeranno abbatii Claudius peccator.

Tres, ni fallor, et eo amplius jam pertransiunt tempore anni, quod me adhuc in Aluenni cespitis arvo, in palatio pii principis domini Ludovici tunc regis, modo imperatoris, detentum socordia sensus mei tua servida dilectione adorsus excitare, ut aliquem fructuosum laborem in Epistolis magistri gentium assumerem apostoli Pauli. Sed quia laboribus et turbibibus mundi depressus hactenus parere iunctioni tue nequivi, modo largiente Deo in isto Quadragesimo tempore epistolam beati jam dicti apostoli Pauli ad Galatas ex tractatibus beatorum Augustini et Hieronymi Patrum permixtis procuravi ordinare sententias. In quibus tractatibus cuni ad congruentem expositionem multa deesse cernerem, veri me

C ad alios libros praefati jam Patris Augustini et exinde eam, quæ in illis decretat tractatibus, explore studui expositionem. Nonnulla etiam, ut mihi visum est, infra illorum locutionem, mea studui conjungere verba, quæ utramque expositionem absque scissione conjungerent, et legentis exercerent sensum, et fastidium facerent evitare. Hanc interim quasi manubias quasdam tuæ ovans dirigere studeo sanctitati: ut quoties eam manu tenueris et legeris, mei menor esse digneris: et in unum conjungat immensa ubique præsens Christi charitas, quos spatia terrarum dissociant. De ceteris vero epistolis, jam multa in manibus nostris tenentur excerpta, ad quas, si Dominus voluerit, et vitam atque salutem concesserit, orantibus vobis pro nobis, ad expositionem illarum D quantocius potuero accedere procurabo. Pius et misericors Deus et reverendam mihi beatitudinem tuam, ad profectum et ornatum Ecclesie suæ, et annis multiplicare dignetur, et meritis. Vale in Domino vir Dei, et memento mei.